

صاحبي ، مديري ، محوري :



آبونه بدلي :
سنة لکي ۱۰۰ غروش
آتي آيلني ۵۰ »
اوج آيلني ۲۵ »

مخمس

۱۳۳۸

اداره خانه-ي :
شهرزاده باشندہ (تعالي اسلام)
جمعتي مرکز عموميسي
مرکز توزيني :
باب عالي جاده سنده (اتحاد
تجارت) کتبخانه-ي
اسلامک نفعنه خادم مقالات
مع التشر قبول و درج اولونور

يازانك شخصتي دكل ، يازنك احمي
نظر دفته آلتير .

ديني ، علمي ، ادبي ، اجتماعي و شيعه بيلك شهري
مجموعه اسلامي مدر

كلن يازير دن شايان قبول كوردولنار تاريخ
صيراسيله درج اولونور .

في ۷ بوجوق غروش

۱۳۳۹ هجادي الاخره سنه مخصوص نسخه

عدد : ۸

مدير مباحث :

مخمس ديني و علمي : تعدد زوجات حقنده جناب بکه جواب - اسکيليل محمد عاطف . غزالينک روح حقنده کي تلقياي -
آقسه کيلي احمد حمدي . نصرانيت علماسنک مسلمانلق حقنده حسن شهادتي . رضا .
مخمس تصوفي : تکیه لک سبب انقراضی - طاهر المولوی . کلمات صوفیه . شیخ صفوت .
مخمس تاريخي : خاندان علم و معرفت - محمد عزت و محمد عارف . مستجابي زاده عصمت بک - سيعود المولوی . مدرس
يوسف افندي مرحوم - علي شوکت . تاريخ وفات . اسماعيل حق پاشا .
عالم اسلام : جاواده شيخ عبدالحمي نك مقامی - سعدی .
مخمس ادبي : غني کشمیری و بعض ابياني - طاهر المولوی .
علاوه : هند . ماصالري .

مستجابی زاده عصمت بك

مابعد :

بسته بر مکتوب بنده بو خصوصه دائر بروجه آتی مطالعاند
بولنیور :

« (اجتهاد) غزته سنی کوریور میسکز . دو قوتور
جودت . خیامی نشر ایدیور . فقط بعض رباعیاتی او قدر
فنا ، او قدر یا ککش آکلایه رق ترجمه ایدیور که

هانی بوندن . خیلی زمان اول « خیابان » اسمند
بر مجموعه موقوتہ امتیازی آلمش ایدک . حتی بونک طرف
عالیبردن لطفاً قلیشه سی بیله یا بیله رق اهدا و ارسال
بیورلمشیدی . شمدی بوراده بعض اخوان بوکا وجود
ویرمک اوزره عاجزی تشویق ایدیور لر . فقط حادثاته
ودها بر جوق غرائب شئون تولید ایتسی محتمل اولان
پردہ آفاق کیر ظلماته باقیورمده بویله شیرله اشتغال
زمانی اولدیفنه ذاهب اوله رق [۱] نشرندن صرف نظر
ایدیورم . مع مافیه فکرمدن جایدیر یله بیلیر سه م بلکه
چیقار وبالطبع سزکه تلاقی ایدر . »

التهایه غزته ۱۶ مایس ۳۳۰ تاریخندہ چیقدی .
هراون بش کونده نشر اولنق صورتیله بش نسخه قدر
انتشار ایده بیلدی . و اسفا که تام بوسره لرده حرب
عمومی بادره سی ظهور ایتمکه اختیار تعطیله مجبور اولدی .
کندیسندن بومسئله به دائرده شو مکتوبی آلمشیدم :
« ۶ تشرین اول ۳۳۰ از میر

یا اخی :

خیلی زمان اول بر لطفنامه کزی آلمشیدم . جواب
ویرمدم . قصورمک عفوخی نیاز ایدرم . حادثات ایام
بزی دمبسته حیرت ایتدی . هله بر کره یاز کچسین ، قیشه
طوغرو شو خیابانی ان شاء الله دلخواهمز درجه سنه کتیر رز
دیر کن « جهان درهم افتاده چون موی زنی » مصرعنک
تصویر ایتدیکی حال شورش مال ظهور ایله نه خیابان

[۱] کرامت شاعرانه [کهاات دکل !]

قالدی ، نه دللرده حضور و سامان ! شو بلانک بر آن
اول امت اسلامیه حقندہ خیرلی نتیجه ایله اندفاعی
مرحمت السیه دن تضرع اولتور . اوراسنی بیلمم . فقط
بورالرده اویله شدتلی ضرورت ، اویله پاره سزلق حکمفرما که
نهایتی عمومی بر آچقله قرار قیلمسندن قورقولور .

میدانده ایش نامنه هیچ برشی قلنادیفندن شیمیدی
آقشاملره قدر یاز یخانه ده سینک آولامقله وقت کیریورز .
باقلم بونک صوکی نه اوله حق ؟

الی الله اشکو ان فی النفس حاجه

تمر بها الايام وهی کما هیا .

عصمت بك مرحوم زمانمک یریحی آدم لرندن
دکلدی . معنای تامله شاعر فاضل ایدی . بناءً علیه
امور خسیسه ایله اشتغال ایدوبده تأمین حیات ومعشیت
ایده بیلمکه آنک ایچون امکان یوقدی . بلای واقع
یچاره یی صوک درجه لرده شدید بر احتیاج و ضرورت
ایچنده بر اقدی . هنوز از میرده ایکن کندیسندن وارد
اولان صوک مکتوب :

۱۹ شباط ۳۳۱ از میر

محترم قارده شم افندم :

وفا نامه برادر یلری واصل دست مفتخرت اولالی
ایچه زمان اولدی . اوتهدن بری بزجه بر فائده حصوله
کتیره جکنه بر درلوعقل ایردیرم دیکم شو حرب مشومک
مملکتندہ تولید ایلدیکی بحران عظیم و بناءً علیه امر معیشته
هر صورتله وجوده کتیردیکی تنگی الم عادتاً حیاتدن
نفرت حسنی ویردیکندن ابوالعلا ایله هم زبان اوله رق :

فیاموت زر ان الحیاة ذمیمة

فیا نفس جدی ان دهرک هاذل

بیتی ورد زبان تلهفمدر . بوسیله جوابنامه تقدیمده
وقوعه کن تأخرک معذور و معفو کورلمسنی و جملة دوام
عاقبتلرینی نیاز ایدرم .

عصمت

سعود المولوی

مابعدی وار